

Na osnovu člana 2.13 stav (1) tačka 8. Izbornog zakona BiH (“Službeni glasnik Bosne i Hercegovine” broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), a u vezi s članom 69. Pravilnika o provođenju izbora u Bosni i Hercegovini (“Službeni glasnik Bosne i Hercegovine” broj 27/22), Gradska izborna komisija Tuzla raspisuje:

JAVNI OGLAS **za prijavu kandidata za kontrolore izbornih rezultata**

I. Predmet javnog oglasa

Objavljuje se Javni oglas za prijavu kandidata za kontrolore izbornih rezultata, a za potrebe imenovanja tri (3) kontrolora izbornih rezultata u osnovnoj izbornoj jedinici Grad Tuzla, na mandatni period od pet (5) godina.

II. Poslovi kontrolora izbornih rezultata

Kontrolor izbornih rezultata obavlja sljedeće poslove:

- obučava supervizora izbornih rezultata i referente za unos izbornih rezultata;
- vrši korekcije u aplikaciji za unos izbornih rezultata matematičkih nepravilnosti u statističkim podacima na svim biračkim mjestima na kojima nisu ispoštovane sve propisane matematičke radnje i to:
 - a) vrši poređenje broja potpisa i broja glasačkih listića u glasačkoj kutiji te korigira u testu tačnosti ukoliko nije ispravno utvrđeno u testu tačnosti, isto tako mijenja upisani broj potpisa ukoliko je birački odbor umjesto broja potpisa naveo podatak broja imena na Izvodu iz Centralnog biračkog spiska;
 - b) korigira zbir broja nevažećih neoznačenih i nevažećih ostalih glasačkih listića ukoliko nije tačno izvršen;
 - c) korigira ukupan broj važećih glasačkih listića ukoliko nije ispravan i ne predstavlja sumu svih glasova po kandidatima za većinski glas ili sumu glasova po političkim partijama za sistem proporcionalnu zastupljenost;
 - d) korigira zbir ukupnog broja nevažećih glasačkih listića i ukupnog broja važećih glasačkih listića ukoliko nije ispravno utvrđen;
 - e) korigira u testu tačnosti poređenje ukupnog broja glasačkih listića u glasačkoj kutiji i zbira ukupnog broja nevažećih glasačkih listića i ukupnog broja važećih glasačkih listića ukoliko nije ispravno utvrđeno.

III. Uslovi za imenovanje

Opći uslovi:

- Prijavljeni kandidat je državljanin Bosne i Hercegovine s pravom glasa.
- Za kontrolora izbornih rezultata ne može biti imenovano lice (član 2.3. Izbornog zakona BiH):
 1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 4. koje je kandidat za izbore za bilo koji nivo vlasti (na Općim izborima 2018. i Lokalnim izborima 2020. godine); i
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima najmanje završenu srednju školu, odnosno IV. ili V. stepen stručne spreme;
- da ima izbornu iskustvo (rad na poslovima kontrolora izbornih rezultata, rad na poslovima supervizora izbornih rezultata, rad na poslovima unosa izbornih rezultata ili rad u biračkom odboru kao predsjednik ili član biračkog odbora).

IV. Potrebna dokumentacija

1. Prijava na javni oglas (u formi popunjenog obrasca za prijavu kandidata za kontrolora izbornih rezultata - dostupan na web stranici Grada Tuzla - www.grad.tuzla.ba, kao i u pisarnici (šalter Sali) Gradske uprave Tuzla),
2. Uvjerenje o državljanstvu (original ili ovjerena fotokopija, ne starije od tri (3) mjeseca),
3. Potvrda o prebivalištu - PBA 1 ili PBA 3 obrazac (original ili ovjerena fotokopija, ne stariji od tri (3) mjeseca),
4. Univerzitetska diploma/svjedočanstvo o završenom školovanju (ovjerena fotokopija),
5. Rješenje/uvjerenje o izbornom iskustvu (original ili ovjerena fotokopija).

V. Rok za podnošenje prijava

Rok za podnošenje prijava je petnaest (15) dana od dana objave javnog oglasa na oglasnoj tabli Grada Tuzla, na web stranici Grada Tuzla (www.grad.tuzla.ba) i sredstvima javnog informisanja.

VI. Organ za provođenje postupka

Proceduru izbora kandidata po javnom oglasu provodi posebna komisija imenovana od strane Gradske izborne komisije Tuzla.

VII. Ostale informacije

Komisija iz tačke VI. Javnog oglasa će, nakon isteka perioda za podnošenje prijava, izvršiti pregled pristiglih prijava, odnosno njihovo bodovanje, kao i intervju sa svim prijavljenim kandidatima koji zadovoljavaju propisane uslove, a nakon čega će biti sačinjena rang lista kandidata koja će biti dostavljena Gradskoj izbornoj komisiji Tuzla za potrebe konačnog imenovanja kontrolora izbornih rezultata. Bodovanje prijavljenih kandidata izvršit će se prema utvrđenim kriterijima, a koji se odnose na izbornu iskustvo kandidata, dok će predmet intervjuja biti poznavanje odredbi Pravilnika o načinu provođenja izbora u Bosni i Hercegovini ("Službeni glasnik Bosne i Hercegovine" broj 27/22).

Imenovani kontrolori izbornih rezultata, da bi bili angažovani, dužni su proći obuku, testiranje i certificiranje koju će organizovati i provesti Centralna izborna komisija Bosne i Hercegovine. Izborna komisija će certificirane kontrolore izbornih rezultata angažovati prilikom provedbe izbora, na poslovima kontrole izbornih rezultata.

Prijavu na javni oglas kandidati dostavljaju u zatvorenoj koverti u sjedište Gradske izborne komisije Tuzla, putem pisarnice (šalter sala) Grada Tuzle, sa naznakom:

***Gradska izborna komisija Tuzla
Ulica ZAVNOBiH-a br. 11
75000 Tuzla, Bosna i Hercegovina***

„Prijava na Javni oglas za kontrolore izbornih rezultata - ne otvarati“.

Neotpune i neblagovremene prijave neće se uzeti u razmatranje.